

AU MÂ Y

On gros bètch s'a racwèti au djârdin...

Dimèroz qwèy, lèyoz-l' paujêre...

L'amoûr tricote si nid !...

Si dj' vos raconteû

Come i m'a r'chandi

Ci p'tit gnognot-là

Qui dj'a aîdi

À s'astamper.

Si dj' vos raconteû

Lès peûs qu'i nos-a d'né,

Come si ç' sèreût

Do pwin bèni

Dèl Sint Ubèrt.

Si dj' vos raconteû,

Li djoû qu'il a d'nalé

Èri d' nosse nid,

Serîz co véci

Po l' ratinde avou mi ?

Maujni

LI R'SSIN.MIEÛ

Li tchanson d' sès cizètes
Ridougneût tot r'montant lès tiènes.
Lès fèmes potchîn' foû d' leû cujène,
Po ratinde si tchèrète.

Au vint come aus nûlias,
Il ariveût avou s' bèsace,
Yinte sès dints on fistu d' fènasse
Èt sès-ouys plin d' solia

On-ètindeûve djèmi,
Lès finès lames, lès ârdjinterfîyes :
On âreût dit dèl djôye, afîye,
Tchaîte di s' pîre à chûmi.

Tortos s' lèyîn' adîre,
Èt i v'nîn choûter lès musiques
Divant d' mète li pîce è s' chirlique,
Il è ralîn' plins d' rîres.

Nin one po sûre pus lon,
L'ome qui saveût machi lès notes
Yinte lès coutias èt sès tchabotes...
Nin one po l' sûre pus lon !

Mauj'ni